




ՀԱՅՐԱՊԵՏԱԿԱՆ ՀԱՆԴԻՍՆԱԿԱՆ ՍՈՒՐԲ ՊԵՏԱՐԱԿ ԽՆԶՎԵՐՆՑԻ ՏՈՆԻ ԱՌԹԻՎ

Սեպտեմբերի 15-ին, կիրակի օրը, խաչվերացի տոնին, Մայր Տաճարում հանդիսավոր սուրբ պատարագ մատուցեց Վեհափառ Հայրապետը:

Հայրապետական սուրբ պատարագին ներկա էր հավատացյալների հոծ բազմություն և Կաթիֆորնիայից Մայր Աթոռ ժամանած ուխտավորների խումբը, որը բաղկացած է 33 հոգուց:

Մայր Տաճարի աջակողմյան և ձախակողմյան դասերում տեղ են գրավել Վարպետը՝ Ավետիք Իսահակյանը, Գերագույն Հոգևոր Խորհրդի և Վերստոպիչ հանձնաժողովի անդամները, ուխտավորների ամբողջ խումբը, Մայր Աթոռի պաշտոնեությունը և այլ պաշտոնական հրավիրյալներ:

Սուրբ պատարագին ներկա էր նաև Հայկական ՍՍՌ Մինիստրների Սովետին առընթեր Հայ Եկեղեցու գործերի խորհրդի նախագահ պարոն Սարգիս Գասպարյանը:

Ժամը 11-ին հնչում են Մայր Տաճարի զանգերը, Վեհարանում զգեստավորված Վեհափառ Հայրապետը, երգով և շարականով, խնկով ու աղոթքով, եկեղեցական թափօրով առաջնորդվում է Մայր Տաճար:

Վեհափառ Հայրապետի ամպհովանին կրում են չորս ուխտավորներ՝ պ. պ. Բենեդիկտին Դադարյան, Հարություն Սողոմոն, Ալեքս Հանենյան և Արմենակ Հայրապետյան:

Վեհարանից Մայր Տաճար տանող ճանապարհի վրա, հավատացյալների կողմից Վեհափառ Հայրապետը դիմավորվում է սրտագին: Սրբազան Քահանայապետը Աջը միշտ բարձրացված դիրքում՝ սուրբ խաչով օրհնում է հավատացյալներին:

Ժամը 12-ին սկսվում է հայրապետական սուրբ պատարագը: Մայր Տաճարը վառվում է պայծառ լույսերի հեղեղի մեջ: Վեհափառ Հայրապետին սպասարկում են գերաշնորհ Տ. Սահակ և Տ. Վարդան սրբազանները, հոգեշնորհ Տ. Նղիշե, Տ. Սեսրոպ վարդապետները, Տ. Հուսիկ արքեպիսկոպոս և Տ. Հովհաննես քահանա Մարուքյանը:

Մայր Տաճարի երգչախումբը դաշն ու վեհ հանդիսությամբ կատարում է սուրբ պատարագի երգեցողությունը:

Մայր Տաճարում ուխտավորների բարեպաշտ խումբը երկյուղածորեն ունկնդրում է հայկական սուրբ պատարագը: Այդ օրը պատմական ու անմոռանալի պիտի մնա նրանց հիշողության և սրտերի մեջ: Ներկա լինել հայրապետական սուրբ պատարագին Մայր Տաճարում, այդ երջանկությունը բոլորին չէ որ վիճակվում է:

Ավագ սեղանի վրա բազկատարած աղոթքում է Ամենայն Հայոց Հայրապետը՝ վառն Հայրապետության և Հանրապետության ամենայն հայոց:

Սուրբ պատարագը շարունակվում է հոգեթով հանդիսությամբ մինչև «Հայր մեր»-ը: Քարոզում է Վեհափառ Հայրապետը՝ «Մա է գէն յաղթութեան ընդդէմ թշնամեաց» քնարանով: Վեհափառ Հայրապետն Իր քարոզում գեղեցկորեն բացատրում է նախկինում մահվան փորձից հանդիսացող խաչի՝ Քրիստոսով մարդկության փրկության գործիք դառնալու հանգամանքը և շեշտում, որ խաչի պաշտամունքի մեջ, քրիստոնյա մարդը խաչի նշով չէ որ պաշտում է, այլ խաչի մեծ խորհուրդը, նշանակությունը:

Հայ ժողովուրդը, շարունակում է աճուհանալ Վեհափառ Հայրապետը, շատ վաղուց եղել է խաչի խորհրդի և զորութեան հավատացող ժողովուրդներից մեկը, որը հանուն իր հավատի՝ պարծանքով և նահատակությամբ է կրել իր խաչը և ապրել է խաչի զորությամբ, որովհետև խաչը հաղթության դիմաց է հանդիսացել հայ ժողովրդի ձեռքում նրա թշնամիների դեմ:

Քարոզի վերջում Վեհափառ Հայրապետը բարեմաղթություններ արեց, որ հայ հավատացյալների սրտում միշտ ներգործող լինի սուրբ խաչի զորությունը:

Հավարտ առեր պատարագի Վեհափառ Հայրապետը հանդիսությամբ առաջնորդվեց

Ծաղկյա դահլիճ, ուր ընդամենը միարանություն և ուխտավորների շնորհավորությունները հաշվերացի տոնի առթիվ:

Ապա Վեհափառ Հայրապետը օրհնեց բոլորին և հայրական սրտագին զրույց ունեցավ Կալիֆորնիայից եկած ուխտավորների հետ, որոնք պատմեցին իրենց ուխտավորի տպավորությունները Մայր Աթոռից, սրբավայրերից, ուխտատեղիներից, որտեղ նրանք եղել էին:

Վեհափառ Հայրապետը զրույցի ժամանակ հետաքրքրվեց Կալիֆորնիայի հայ աղաքյին-եկեղեցական կյանքով և բարեմաղթություններ արեց ուխտավորների գործերի հաջողության համար:

ՈՂՋԵՐԹԻ ՊԱՇՏՈՆԱԿԱՆ ՍԵՂԱՆ Ի ՊԱՏԻՎ ԿԱԼԻՖՈՐՆԻԱՅԻ ՈՒԽՏԱՎՈՐՆԵՐԻ

Ժամը 3-ին, Հոգևոր Ծեմարանի հանդիսությամբ մեծ դահլիճում, կազմակերպվել էր միարանական սեղանի պատիվ ուխտավորների, որոնք, իրենց ուխտավորության շրջանը ավարտած, պետք է վերադառնալին իրենց տները:

Ողջերթի սեղանին նախագահում էր Վեհափառ Հայրապետը:

Սեղանը բացվեց Տերունական աղոթքով: Հոսանքայինների թվումն էր Հայկական ՍՍՌ Մինիստրների Սովետին առընթեր Հայ եկեղեցու գործերի խորհրդի նախագահ պատմ Սարգիս Գասպարյանը:

Սեղանին ներկա էին Վարպետը, Գերագույն Հոգևոր Խորհրդի անդամները, միաբանությունը, Վերստուդիչ հանձնաժողովի անդամները և Մայր Աթոռի պաշտոնակատները:

Սեղանների շուրջ ստեղծվել էր հայրենասիրական ջերմ մթնոլորտ: Բաժակաճառեր արտասանվեցին Մայր Աթոռի անասանություն և Վեհափառ Հայրապետի արեւատություն, Մայր Հայրենիքի հետագա հզորացման և հայ ժողովրդի միասնության կենաց:

Ուխտավորներին ուղղված սրտագին, ջերմ խոսքեր ասացին Վեհափառ Հայրապետը,

Հայկական ՍՍՌ Մինիստրների Սովետին առընթեր Հայ եկեղեցու գործերի խորհրդի նախագահ պարոն Ս. Գասպարյանը, Վարպետը և Մեսրոպ վարդապետը: Իրենց հերթին ուխտավորներից շատերը պատմեցին իրենց տպավորությունների մասին և սրտագին երախտագիտական և շնորհակալական խոսքեր ասացին Վեհափառ Հայրապետին և Հայրենի հարազատ Կառավարության, իրենց ընծայված աշխատանքի և պատմական ուխտագնացության համար:

Բոլոր ուխտավորներին միահամուռ ցանկությունն էր է՛լ ավելի երկար ժամանակով մնալ Վեհափառ Հայրապետի մոտ Մայր Աթոռում և Հայրենիքում՝ իրենց հարազատների մոտ:

Կալիֆորնիայից եկած ուխտավորների պատվին տրված ողջերթի սեղանը անցավ հայրենասիրական խանդավառ մթնոլորտում:

Ողջերթի սեղանը փակվեց Վեհափառ Հայրապետի գոհաբանական աղոթքով և ուխտավորները հրաժեշտ առին Մայր Աթոռից, Վեհափառ Հայրապետից, միարանությունից և բոլոր ներկաներից՝ անմոռանալի հուշերով:

